

寶應縣志卷之十三 人物

朱應登

朱應登字升之凌谿其號也弘治十二年進士年才二十三國初文學士皆元人迨制藝取士風雅多非所習至是則何副使景明李副使夢陽崛起北地江南文士相應和者顧尚書璘徐博士禎卿迨應登三人而夢陽尤推許應登其文刊脫近習以秦漢爲法其詩追風雅宗沈宋海內翕然稱之是時劉文靖健當國謂翰林者他日執政也不安

寶應縣志

卷之十三

一

崇尚詞華者居之雖李文正東陽同在政府爭之力終不可奪以故凡號文學士皆不得入翰林應登遂授南京戶部主事應登雖文人然精於吏事知延平府多善政楊一清爲吏部尚書擢陝西提學副使初一清居是官建正學書院應登拔秦士高等者聚其中出所藏書研討多所成就應登才華彪發或當人落筆一掃千言旁觀奪氣宴次賦詩在坐者竟口不得交一言故一時僚友見妬飛語騰起遷雲南叅政實忌者投之流裔也乞骸得

請年五十卒於家弟應辰亦工詩子曰藩名尤著
曰藩字子价號射陂嘉靖二十三年進士授烏程
知縣遷南京刑部主事歷禮部郎中出知九江府
曰藩居官慈緩以廉見稱性嗜古文辭未嘗以官
事相奪令烏程時工部尚書劉麟結社茗雪間曰
藩從之游幅巾觴詠人不知爲邑宰也官南都少
事益搏涉羣書詞翰傾動海內日與何元朗金在
衡輩選勝徵歌命觴染翰一時傳爲美談治九江
時歲饑賑貸多所存活新濂溪書院課諸生會景

寶應縣志

卷之十三

二

藩之國鉅細悉經畫因病不支卒於官時御史桑
喬寓九江紀其喪爲文狀之歸舟載圖書數麓而
已楊修撰愼評定其詩得七十四首比唐人篋中
集錢尚書謙益論次明詩謂曰藩承襲家學取材
文選樂府出入六朝初唐其見推許如此曰藩自
其曾祖璿以博學聞於時祖訥著江陵集父應登
凌谿集及自著山帶閣集尤傳於世叔應辰著淮
海集子方中著鏡心樓集文學萃於一門藝林盛

事云

應辰字拱之嘉靖十年歲貢博涉羣書才藻橫發
與兄升之齊名久困場屋益豪放縱酒自娛海內
稱淮海先生

方中字道光曰藩子也爲人澹蕩少謝舉子業卜
居湖土開池治館跨溪越坨結名流賦詩把酒送
老其中有盛世逸民之風

克生字秋厓國學生也少攻舉子業而性喜風雅
承凌谿射陂家學又從兄克簡之燕之閩歷各山
川多交文學士嘗著武夷山賦工麗名聞海內王

寶應縣志


卷之十三

三

都御史士禎汪編修琬程知府可則結詩社里居
與陶處士激陳貢士鈺最善激爲詩矩矱初盛唐
人蒼老中天然道媚鈺出入中晚宋元鑄鑄成家
三人者唱酬討論可謂鼎峙藝林已今鈺年六十
徵年七十五如四十許人獨克生下世已十餘年
人多惜之所著秋厓集藏於家

陶成

陶成字懋學成化辛卯舉人時天下承平久文網
濶疎孝宗繼之貢士大夫遍中外尤尊禮文學士

以視允明唐寅輩跌宕踰矩獲成負異才工詩
畫篆隸書號雲湖仙人睥睨公卿間雖當路強有
力者視之蔑如也然程學士敏政稱其當作意處
沁沁類處于拂上非他才士比成又嘗歷居庸關
踰  入雲中覽山川形勢險易考戰守得失訪
退校老卒以可喜可愕可頌可罵之事蓋是時國
家無事所重惟邊防成注意及此有大志迨久不
利公車不肯就一官又負其異於衆者因輕世肆
志焉成雖工詩及篆隸書畫尤工甚隨意作山水

寶應縣志

卷之十三

四

花鳥人物逼肖南宋人得其畫者奉若拱璧然非
可宋而得也嘗入郡寓某氏園會芙蓉茂甚繪十
載紙付主人主人出銀盆以贈成怒索畫盡焚之
又嘗偕姪倩朱應登會試距期僅五日買輿至張
家灣看丁香花與主人飲歡甚畱數日遂不與試
應登中式繪丁香爲贈其怪癖多此類邑人鄭本
才銳摹成筆意皆有名於時本字如淵鏡字雲江

吳敏道

吳敏道字曰南萬曆三年歲貢敏道雖老於諸生

才名籍甚王世貞序其詩比於朱參政應登文
子且兼有其長敏道既不遇築清隱草堂與劉教
諭孟夏觴詠自娛號南華山人其時官淮揚間諸
長吏多折節下交邑令耿隨龍尤敬禮敏道良辰
載酒登松岡或泛舟湖上必與俱又數數過草堂
敏道終無所干請隣人某有罪將鬻女以贖敏道
不忍出所有粟三十斛與之隨龍聞而曲貸其罪
女得不鬻敏道爲人孝謹與人交循循自下無文
人睥睨態一時鄉先生行狀邑有大興除及賢公
寶應縣志

卷之十三

五

卿建祠勒碑紀載之文多出敏道于邑之名勝園
林野老逸事亦於憑弔贈荅諸詩有考焉嘗刳股
愈父疾館郡守署中憶母製湖曲鵲飛曲其辭
爲人傳誦又讓田於弟弟鬻去爲更治云孟夏字
化光官潛山教諭

鄭化中

鄭化中字秋雲得七世孫也少孤叔綵教以讀書
寒夜無火擁鷄毛覆兩足吟誦達旦萬曆十六年
歲貢仕至平涼府通判所著有聞鶯館集聲調出

入唐人爲朱九江所羨美而書法亦如九
字竹軒工畫得者珍惜之

趙開雍

趙開雍字五弦順治丙戌舉人授兗州推官遷
安同知再遷慶遠知府致仕開雍長於政事所至
皆有聲尤喜風雅雖案牘盈積不廢觴詠
時有地僻只愁隣瘴氣官閑且得看梅花之句爲
海內傳誦所著有東魯草嶺北草粵游草行
田後築淡柳堂環以清流蔭以茂樹徵歌鼓
寶應縣志 卷之十三 六
然有隱退之趣

徐宗道

徐宗道字在之少工詩善畫喜游覽北至燕東至
齊南至吳 請歷名山大川題詠益富嘗履
丹墮海遇救獲免晚年歸寶應貧落恒不足於衣
食栩栩落落自得與人飲善譔浪爭延致之至
處士士光苗處士嘉生數數杖履過從八十餘乃
卒詩稿多散逸士光字川晦嘉生字秀實皆曠達
工書法嘉生尤適古李令楷賦老筆行贈之宗道

予豕善繪荔枝邑人善繪者更有朱芝芳草蟲尤肖南宋人

鄭禮

鄭禮字仲禮叔父得博學善屬文以宋文憲公濂薦仕至高州知府禮受業相得亦善屬文永樂四年歲貢肄業國子監召試稱旨擢工部主事宜宗征高煦時禮分守都城有功賜白金以兩計者五十遷南京戶部郎中監兌松蘇漕糧糧長遺以陋規不受在部六年尙書黃忠宣公署上上考旌之寶應縣志

卷之十三

七

正統元年致仕

周密 蕭韶

周密字邦慎太學生歷平原歸安上元三縣知縣以清謹聞去後民輒見思山東通志稱其知平原時鋤奸惡植善良興禮教除弊政修築城池諸政績後以濟寧州知州致仕有蕭韶者由茶馬大使歷南昌知縣胡祭酒儼稱之曰吏服其威民懷其惠若九成者可謂兼之

祁銓 唐敬 茹信 刁伋

祁銓字遵文成化十二年歲貢有經學通判建昌
時其子遣使之官銓發書署云恭爲德首慎爲行
基以此遺汝他非所知及卒貧不能歸葬焉十八
年歲貢有唐敬者字志學博學善屬文能成一家
言官陝西都司斷事正德十二年歲貢有茹信者
字天允授湖廣咸寧知縣邑小多逋賦信以廉靜
御之民樂爲輸納報政時著上考云嘉清三十二
年歲貢刁伋者字進之授新昌知縣蒞任八月辭
歸結世外之友歌詩命酒以樂餘年年九十有疾
置酒別飲客正襟而逝

寶應縣志

卷之十三

八

趙瑀 陳奎 王勛

趙瑀字廷瓚正統丁卯舉人歷西安府同知有能
聲致仕布政使陳選高其行特致餞焉有陳奎者
字文璧天順己卯舉人官吉安府通判有至性動
遵禮法尤嗜學致仕歸朝夕手一卷猶諸生也有
王勛者字底成正德丙子舉人令邵武寧鄉兩縣
皆有政績尤見稱鄉人是年舉於鄉者更有高知
州桂桂字廷芳授南陽府通判補衛輝歷保德通

州知州皆以清謹稱

朱訥

朱訥字存仁以舉人授鄞縣知縣鄞供億費歲萬
余郡守姜昂省十之七訥請著於令更省三之一
昂嘉嘆焉鄞人屠瀟者官吏部尚書訥繩其家人
以法瀟不悅調長陽改江陵所著有江陵集訥少

工詞翰以白燕詩知名於時

附白燕詩三月巢乾
雖未成菲堂來往日

營營說殘午夢千聲巧剪破春愁兩尾輕宮柳陰
農金鎖合水芹香細綠波晴画欄十二無人倚一
半梨花
一半鷓鴣

寶應縣志

卷之十三

九

李茂英

李茂英字君秀萬曆三十九年進士授分宜知縣
調清江邑大水自贛江達淪水決百餘里里無所
得耕茂英發常平粟賑之民獲以濟又得請減田
租十之三是時民飢甚數譟諸大姓且為變茂英
曰若曹異旦夕活耳亡他趣富人出粟食飢者俾
歲穰倍子息亂定富人獲全遷順德同知歷刑部
員外廷郎中嘗恤刑浙江平恕多所全活有以賄
求米減者終不許擢通政使司右參議轉右通政

忠賢竊政誅戮諸正人茂英上疏乞骸骨
田里家居十有四年乃卒人以此多之初茂英
郭氏方娠夢神授以銀臺後果如其應云

韓宗愈

韓宗愈字斗望崇禎七年拔貢十二年授安化知
縣妖民黃邦明叛郡邑震恐宗愈修戰守備募死
士用間出奇卒戮邦明遷九江推官道阻改銅仁
會諸苗煽亂獲其渠吳文耀釋而不殺俾歸論黨
衆苗患悉平擢知府尋罷道阻留黔南 王師定

寶應縣志

卷之十三

十

滇黔久之歸田里乃卒兄振愈字二如邑武舉也
勇敢有至性嘗有盜越獄振愈率鄉兵追及之手
刃二人飲其血餘悉捕獲宗愈之留黔南也振愈
日夜悲思或對客飲食輒泫然泣下數十年如是
也後有武舉刁神者喜言事孫知縣蕙請改鳳米
解淮神有力焉又嘗向巡撫慕公天顏陳地方利
弊多被採擇振愈子日昌亦武舉官石城衛千總
還家迹跡田間終身不至公庭

王傍

王榜字爾賓垂髫時王舉子業趙令爛奇愛之後
每試輒第一順治丁亥成進士授德化知縣縣濱
海小邑也環萬山中洩寇數數犯境內榜受事數
旬治戰守具甚備隣邑大田尤溪皆陷德化獨全
以失權大吏被論劾尋得白歸舟泊江上對月飲
酒酒酣出犀玉飲器及銀鑿落羅案上滿引竟卽
投於水凡投數十器無敢勸沮者旣歸田里盜縱
酒自娛不治生產橐中金分給諸昆季會兵舸過
寶邑邑無令兵索絳夫不得將譁榜出白金募夫
寶應縣志

卷之十三

十一

民得不擾其任達疎財多此類子孫晉工詩有名
於時

王有容

王有容字遠度少侍顧端文高忠憲兩先生力學
祇行有利物之志久之不遇以歲貢授知縣需次
里門與喬御史可聘劉處士心學倡同善會福鄉
人康熙二年選泰和知縣時年七十有八矣子疑
鼎等阻其行有容曰不然余志存利物今得作親
民官敢以老辭耶治泰和一年餘却耗贈薄徭役

修葺學宮及楊文貞羅文莊王文端祠秦和之人
謳思之子凝鼎御鼎鑄鼎隆鼎元鼎皆工舉子業
小試輒第一凝鼎尤博學善屬文以歲貢授訓導
鄉里號爲長者凝鼎子式旦式丹尤屢試第一式
旦早卒式丹拔貢生式旦子懋茲式丹子懋湛亦
試輒第一書香之盛未有過王氏者識者知其必
昌云

成周璧

成周璧字崑侯康熙元年恩貢以教習授邵陽知

寶應縣志

卷之十三

十三

縣會滇中叛亂秦人運米入蜀艱甚周璧經畫有
方軍需無缺又弭盜有功未幾卒於官周璧爲諸
生時邑人謠曰王縣令陞黃教諭中盧齋長貢吾
民庶幾無疾痛蓋繼盧爲齋長者周璧及賈一驄
陳三輔刁養默朱爾穎等則皆長者也王縣令名
仝春黃教諭名琦盧齋長名上品

王當泰

王當泰字二交順治八年歲貢爲人謹厚嘗與一
友就試泰州歸舟過仙女廟當泰登岸如廁友揚

脫去紫藍衫包頭巾篋於道當泰不得已負而趨
體肥不前觀者笑失聲五里餘及舟終無愠色垂
老選汝陽知縣卒於官歸裝空囊而已弟當晉邑
諸生年八十餘乃卒亦長者

朱瓘 周安施琳附

朱瓘字楚琦兒時遇高御史昭誦書不輟昭戲之
曰鷄聲難比鳳瓘應曰魚化卽成龍昭奇愛之因
受業焉初試棘闈不利輒棄舉子業與邑人周安
施琳偕隱博覽羣書聲振藝林景泰時有詔舉賢

寶應縣志

卷之十三

十三

良邑令朱瑗白巡撫都御史王竑薦瓘瓘辭竑遺
以粟帛會修天順實錄其事之在郡縣者詔郡縣
編葺上之館閣有司持幣走其廬瓘辭有司強之
出爲定凡例謹書法一豈紀載皆出其手旣歸畜
雙鶴自隨顏其亭曰馴鶴日鼓琴其中鄉人稱琴
鶴先生入市以大笠覆首又稱圓笠先生安字東
谿瓘卒託孤於安安教育如己子琳字汝琛皆工
詩

琴鶴先生者江陵父也江陵生凌溪淮海凌溪

生射陂射陂生雪樓數傳而淡子侍御繼起弟
哲人秋厓子守亭恭亭皆能文知名於時邑中
文獻之家未有過朱氏者其淵源蓋有自矣

吳禮 周朝附

吳禮字中節奉母邢氏以孝聞弘治十四年歲貢
授州判辭歸終養母卒不復仕時年四十餘結廬
蓼花莊著有蓼莊吟稿又有周朝者字光卿嘉靖
九年歲貢絕意仕進杜門獨坐足不涉街市者數
十年

寶應縣志

卷之十三

古

舊志載禮詩有春水泛花迎客棹夕陽沽酒聽
漁歌荷花香裏雙蘭漿楊柳陰中一草亭將開
未開籬下菊欲去不去溪邊鷗一片落花三徑
月數聲柔櫓五湖烟茶鑪夜煮江聲壯苔徑春
寒月影深之句

張璠 王巖 劉心學 喬邁 朱四輔
朱宣

張璠字韞仲崇禎壬午舉人自癸未下第後不復
赴公車時邑人喬侍御可聘遜跡柘溪順天進士
梁以樟卜居寶應璠嚴事可聘而友以樟最善以
理學節義相切劘幅巾野服有古逸民之風焉最
後有仇璠者攻璠璠不得已會試至京師同試者

以爲疑問曰先生出處何如璫出憶梅詩相示有
念年留得冰心在一任寒風徹夜吹之句果以累
塗卷而歸終身不仕是時邑之號逸民者諸生中
得四人焉曰王巖曰劉心學曰喬邁曰朱四輔未
爲諸生者得一人焉曰朱宜巖字築夫少工舉子
業至是棄諸生絕意仕進端肆力古文辭其文考
據經典模八家矩矱執經問字者踵相接若李推
官念慈汪主事懋麟皆學文於巖巖爲人端嚴動
止語默中程度事毋以孝聞凡祀其先人致齋三

日獨處於外心學字近思永澄子也永澄卒心學
甫數歲賴母韓孺人教育獲承家學而東林諸君
子與永澄友善者猶數數過其家規勉嘆息以故
心學嗜讀書通曉大義絕意仕進邁字子卓可聘
子也絕意仕進治池館柘溪博覽羣書於典故多
所辨證尤工五言詩大學士吳姓賦詩褒美比於
范粲子孫四輔字監師少負異才於書多涉獵尤
諳經濟之學有用世志至是棄諸生交海內悲歌
慷慨之士平南王聞其名延致幕下久之知尙之

信必叛辭歸人服其智宣字元膺原名克宣以
克簡貴易今名艾爾弼迫之就試碎研遜去宣孤
癖嫉俗罕與人交惟傾慕張孝廉璠以詩文相質
證璠亦深推許之酒酣則仰天長號人莫知其故
也梁以樟曰甚媿此一小書生璠等既隱居事鉛
槩然璠精研理學邁宣不出戶庭少游覽贈荅著
詩恒不多四輔雖多歷名山水而長在經濟以故
璠木侍樓集邁歲寒堂集四輔鐵輪集宣運甕集
世罕知者惟巖遺稿盈尺已刻者曰異香集曰白

寶應縣志

卷之十三

六

田布衣集流傳於世心學亦編輯四朝大政錄

湯廷頌

鄭在潛

施光祖

梁如聳

湯廷頌字欽哉邑諸生也未老棄去放浪泉石間
翛然自遠慕林和靖爲人因自號梅逋藝梅數十
本襍以桐桂松杉畜一雀馴甚凡讀書飲酒對賓
客入市井皆與雀俱從鷓林先生游相倡和盈百
餘篇鷓林棲遜白田搜幽人野老爲伴侶梅逋之
外則有鄭處士在潛在潛字九起工詩善畫著述
甚富爲人澹蕩閉影蒹葭蒼茫中以葭名其園編

林賦詩褒美比於古不臣不友之士在滑之外則
有施處士光祖梁處士如聳兩人者孤澹自喜栖
短垣敗屋草樹茂密布袍禿袖過市上顛髮半覆
行歌烏烏鷓林贈光祖詩曰海風吹南雲日夕涇
西樹此蔭無時移託根亦有素江邊桑葉落孤雲
自來去柴門閉涇流歲月不得渡城府異喧寂心
境契幽憐老屋壓短籬蒺藜塞行處秋蘭長薜蘿
流水周堂步採莒足朝食灌蔬供野醪君平下肆
簾一日百錢足開門數息雁畚礫理諸蕢廡東杞

寶應縣志

卷之十三

七

菊離環堵風雨注長歌出林樾屢空寧我顧蒼然
老布衲瀟灑遺百慮六十仍黑頭遯肥氣轉裕揮
斥八極外乾坤莽回互又贈如聳詩曰棕櫚覆荒
廬涇流無冬春孤雲宿簷柯遙風落山榛城隅古
路壞流水漸菰葍負薪行歌歸挈瓶汲水濱呼兒
具梨栗耦婦偕辟紉洋洋涇流水聊以樂飢貧床
頭老素書猶記羲軒民窮年閉戶牖誰復測昏晨
大道在胸臆噓噏潛彌綸光祖字昌之如聳字叔
鷺鷓林先生者梁以樟也

神字仲愷辛卯科武舉人性忼爽好直言邑有
興除每侃侃白當事戊申巳酉間邑叠履神請於
制府麻公勒吉得蠲賑漕項例不免逃亡者衆無
從征輸會邑有應領緯夫銀三千兩沉河庫不給
神又請於漕憲帥公顏保卽以補漕銀之缺民困
以甦邑舊有鳳米之役僉點里民輒破其家大累
也神復請於帥公近鳳者解鳳近淮者解淮 題
允定爲例民至今德之兩上書於撫軍慕公天顏
湯公斌切陳利弊多採行所謂善蓋一鄉之士
寶應縣志

卷之十三

十八

也其先世本農家高祖 田麥五岐明正德間上
聞號瑞麥翁

吉登奎

吉登奎字震雲年逾八旬躬行萬善乙丑春士民
公籲邑侯楊公詳憲推應賓筵續賜評符月旦匾
額爲閭邑典型其長子吉謙妻沈氏謙病篤氏刲
股以救命延數載復歿氏年甫二十有八栢舟自
穴撫子成立苦節三十三年識者以吉門德節兼
全多稱道勿衰焉

吉登庸

吉登庸字凌雲性至慤篤於孝友當繼母病劇登庸割股和羹以進母病立愈是以德重賓筵膺大典其子吉貞字希尹曲盡孝道登庸七十四歲時抱病艱食貞祝神求代夜夢神諭增汝父壽一紀後登庸果八十九歲身卒縣令張諱哲用賜孝感陰陽匾額至貞妻姚氏於貞病垂危亦割股救夫可謂純孝一門縣令張諱增申詳各憲用賜德先百行匾額以示旌揚故邑中稱孝友者咸推寶應縣志

卷之十三

十九

吉氏云

朱希武

朱希武字身修德隆望重鄉黨之中奉爲典型曾於順治年間公舉鄉飲年八十三歲身卒子國棟字爾才忠厚傳家篤於孝友卽歲逢饑饉亦折產竭力以奉晨昏更好善樂施時解衣推食以週鄉黨故邑人沐其德而善良者於縣令張諱增任時公舉鄉飲申詳各憲用賜匾額以示旌表七十二歲身卒

張爾靜

張爾靜字如山少讀書穎異有胆識才能年十七入黌宮爲邑中公務與權勢爭不勝卽棄青衿入都時崇禎初年邊地多警田地荒蕪招人開墾爾靜遽呈愿往條陳良策部曹見之大喜代爲疏請給以牛種在邊十年果有成功歷仕武英殿中書科中書舍人後見明季國事日非遂告假歸里躬耕教子不窺戶外子四人長惇次愷次恂皆爲邑諸生有聲四雋舉順治乙丑進士邑中不但服其寶應縣志

卷之十三

二十

胆識才能兼服其明誓知機云